

Skupština Karate saveza Bosne i Hercegovine

Na osnovu člana 24. tačka 1. Statuta Karate saveza Bosne i Hercegovine Skupština Karate saveza Bosne i Hercegovine, na svojoj sjednici održanoj 02.12.2017 godine u Tuzli, donijela je:

STATUT KARATE SAVEZA BOSNE I HERCEGOVINE

I. Opće odredbe

Član 1.

Karate savez Bosne i Hercegovine, (u dalnjem tekstu: Savez) osnovan je Odlukom o osnivanju br. S – 2-3/14 od 25.10.2014. godine, na osnovu Odluke Skupštine Karate saveza Federacije Bosne i Hercegovine br. 200-1114 od 25.10.2014. godine i Odluke Skupštine Karate saveza Republike Srpske, br. 84/2014 od 25.10.2014. godine, u skladu sa Zakonom o udruženjima i fondacijama Bosne i Hercegovine “Službeni glasnik BiH”, br. 32/01, 42/03 i 94/16 (u dalnjem tekstu: Zakon) i članom 22. stav 3. Zakona o sportu u Bosni i Hercegovini (“Službeni glasnik BiH”, br. 27/08 i 102/09).

Član 2.

Ovim Statutom u skladu sa članom 12. Zakona, uređuje se, pored općih odredbi i osnovnih principa rada Saveza, i sljedeće:

1. naziv, skraćeni naziv i sjedište Saveza;
2. ciljevi i djelatnosti Saveza;
3. postupak za prijem i isključenje članova;
4. organi Saveza, način na koji se biraju, ovlaštenja koja imaju, kvorum i pravila glasanja, trajanje mandata, ovlaštenja za sazivanje Skupštine Saveza, uslovi i način raspuštanja, odnosno prestanak rada Saveza;
5. pravila za ostvarivanje, upotrebu i raspolaganje sredstvima Saveza, kao i organ koji je ovlašten za nadzor nad upotrebom tih sredstava;
6. javnost rada Saveza;
7. način podnošenja finansijskog izvještaja i izvještaja o radu Saveza;
8. postupak za izmjenu i dopunu Statuta, ovlaštenje i način donošenja drugih općih akata;
9. opis oblika i sadržaj pečata i znaka Saveza;
10. zastupanje Saveza u pravnom prometu;
11. uslovi i postupak za spajanje i podjelu Saveza, odnosno, prestanak rada Saveza, uključujući i poseban kvorum i pravila za postizanje kvalifikovane većine u postupku glasanja;
12. postupak za raspolaganje preostalom imovinom i drugim sredstvima Saveza u slučaju raspuštanja ili prestanka rada Saveza;
13. druga pitanja od značaja za organizovanje rada Saveza.

Ukrajin

1



Član 3.

Savez je sportska, nevladina, nestranačka i nepolitička organizacija osnovana radi unapređenja i razvoja karate sporta u Bosni i Hercegovini u skladu sa Zakonom o udruženjima i fondacijama Bosne i Hercegovine, Zakonom o sportu u Bosni i Hercegovini i ovim statutom.

Savez ima pravo i slobodu da se udružuje i sarađuje sa Međunarodnom sportskom federacijom koja okuplja, koordinira i upravlja radom, te definiše pravila i sisteme takmičenja državnih sportskih saveza, pa i Saveza i drugih međunarodnih organizacija u oblasti karate sporta u skladu sa Statutom Svjetske karate federacije (WKF).

Savez je punopravno član Svjetske karate federacije (WKF), Evropske karate federacije (EKF), Mediteranske karate federacije (MKFU) i Karate Federacije Balkana (KFB).

Savez će zatražiti članstvo u Olimpijskom komitetu Bosne i Hercegovine.

Savez djeluje na cijeloj teritoriji države Bosne i Hercegovine i predstavlja karate sport u Bosni i Hercegovini i u međunarodnim karate organizacijama u sistemu takmičenja Svjetske karate federacije (WKF).

Član 4.

Savez ima svojstvo pravnog lica

U pravnom prometu Savez nastupa samostalno, u svoje ime i za svoj račun.

Za obaveze preuzete u pravnom prometu Savez odgovara cjelokupnom svojom imovinom.

II. Osnovni principi rada Saveza

Član 5.

Osnovni principi rada Saveza su:

1. zakonitost,
2. dobrovoljnost,
3. ravноправност,
4. otvorenost,
5. transparentnost.

III. Naziv, skraćeni naziv i sjedište Saveza

Član 6.

Puni naziv Saveza glasi:

Karate savez Bosne i Hercegovine;

Карате савез Босне и Херцеговине;

Karate savez Bosne i Hercegovine.

Skraćeni naziv glasi:

KS BiH, KC BiH, KS BiH.

Savez ima puni i skraćeni naziv na engleskom jeziku koji glasi:

Karate Federation of Bosnia and Herzegovina;

KF B&H.

Član 7.

Sjedište Saveza je u Sarajevu, ulica Alipašina br. 14L.

IV. Pečat i znak Saveza

Član 8.

Pečat Saveza je okruglog oblika, promjera 35mm, po cijelom je obodu kružno ispisan puni naziv Saveza na bosanskom/ hrvatskom jeziku latiničnim pismom, na srpskom jeziku ćiriličnim pismom, te na engleskom jeziku. U središtu pečata nalazi se grafički dio znaka Saveza, ispod kojeg je upisano sjedište Saveza, Sarajevo.

Savez ima svoj znak. Znak Saveza je okruglog oblika koji predstavlja stilizovani lik karatiste u pokretu sa sjenkom u pozadini, žute, plave i bijele boje. U koncentričnim krugovima znaka ispisan je puni naziv Saveza na bosanskom/hrvatskom jeziku latiničnim pismom, na srpskom jeziku ćiriličnim pismom, te na engleskom jeziku.

Savez može da ima zastavu i druga obilježja o čemu odlučuje Upravni odbor Saveza.

V. Ciljevi i djelatnosti Saveza

Član 9.

Ciljevi i djelatnost Saveza su:

1. organizovanje i provođenje sistema takmičenja i manifestacija u Karate sportu;
2. zastupanje i predstavljanje karate sporta u međunarodnim sportskim organizacijama, Svjetskoj Karate Federaciji (WKF), Evropskoj Karate Federaciji (EKF), Mediteranskoj Karate Federaciji (MKF), i Karate Federaciji Balkana (KFB);
3. pripremanje i nastupanje državne karate reprezentacije na zvaničnim međunarodnim takmičenjima u skladu sa Statutom Svjetske karate federacije (WKF);
4. utvrđivanje programa razvoja karate sporta u skladu sa Strategijom sporta u Bosni i Hercegovini i
5. saradnja sa nadležnim sportskim i drugim organima Bosne i Hercegovine;
6. razvijati svijest građana, posebno mladih, o karate sportu i njegovima vrijednostima;
7. doprinos vaspitanju, obrazovanju djece i omladine;
8. podsticanje i afirmisanje karate sporta i njegovih vrijednosti kao dijela kulture i ukupnih materijalnih i duhovnih vrijednosti društva;
9. očuvanje zdravlja kao osnove svake ljudske aktivnosti, radne produktivnosti, izražavanja stvaralaštva i humanog življenja;
10. podsticanje sistematskog i organizovanog bavljenja karate sportom u slobodnom vremenu u svrhu prezentacije vrhunskog sportskog stvaralaštva;
11. sistematsko stvaranje uslova za ostvarivanje vrhunskih sportskih rezultata u karateu;
12. preduzimanje odgovarajućih aktivnosti radi unapređenja i omasovljavanja karate sporta, praćenja i upoznavanja sa međunarodnim iskustvima u oblasti karate sporta;
13. definisanje statusnih prava vrhunskih karate sportista.

Savez može za djelatnosti koje nisu neposredno povezane sa djelnostima Saveza iz člana 9. Statuta osnovati posebno pravno lice u skladu sa članom 4. Zakona.



VI. Članstvo u Savezu

Član 10.

Osnivači saveza su ujedno i članovi Karate saveza Bosne i Hercegovine koji svojstvo člana Saveza stiču danom upisa u Registar udruženja.

Klubovi osnivača Saveza su istovremeno i članovi Saveza, kao kolektivni članovi.

Svojstvo člana Saveza, preko svojih entitetskih saveza, mogu steći sva pravna lica iz oblasti sporta u skladu sa Zakonom o sportu u Bosni i Hercegovini, a koja su registrovana kod nadležnih organa i koji se bave karate sportom.

Teritorijalno djelovanje članova Saveza odgovara administrativnom uređenju Bosne i Hercegovine u skladu sa Ustavom Bosne i Hercegovine.

Pravna lica iz Brčko Distrikta Bosne i Hercegovine mogu se učlaniti u Savez putem članova Saveza, odnosno Karate saveza Federacije Bosne i Hercegovine i Karate saveza Republike Srpske.

Članstvo u Savezu je dobrovoljno.

Članovi Saveza mogu biti:

1. stalni,
2. pridruženi,
3. počasni članovi.

Pravna lica, klubovi iz stava 2. ovog člana, mogu da podnesu zahtjev za prijem u članstvo Saveza preko svojih entitetskih saveza.

Zahtjev za prijem u članstvo Saveza podnosi se Upravnom odboru Saveza.

Upravni odbor odlukom može zahtjev da prihvati ili ne prihvati.

Skupština Saveza će usvojiti Pravilnik o postupku i načinu prijema u Savez, na prijedlog Upravnog odbora Saveza.

Stalni članovi Saveza su lica koja su upisana u evidenciju stalnih članova Saveza.

Odluku o prijemu novih članova Saveza donosi Skupština Saveza.

Stalni članovi potpisuju izjavu o prihvatanju Statuta, ciljeva i djelatnosti Saveza, a nakon toga zaključuju Ugovor o regulisanju međusobnih prava, obaveza i odgovornosti sa Savezom.

Pridruženi članovi pristupaju Savezu radi učestvovanja u realizaciji ciljeva i djelatnosti Saveza.

Počasni članovi su lica koja materijalno ili na drugi način pomažu rad Saveza bez prava glasa.

Počasni članovi mogu učestvovati u radu Saveza savjetodavnim funkcijom.

Naziv počasnog člana Saveza dodjeljuje Skupština Saveza na prijedlog Upravnog odbora Saveza.

Član 11.

Savez vodi spisak svojih članova.

Članu Saveza se izdaje potvrda (certifikat) o članstvu, čiji izgled utvrđuje Upravni odbor Saveza.

Svim takmičarima će se prema jedinstvenoj proceduri i na jedinstven način izdati takmičarski dokument u skladu sa Registracionim pravilnikom Saveza.

Izgled takmičarskog dokumenta utvrđuje Upravni odbor Saveza.

Član 12.

Stalni članovi Saveza imaju prava da:

1. preko svojih predstavnika aktivno učestvuju u radu i odlučivanju u svim organima i radnim tijelima Saveza;
2. njihovi predstavnici biraju i budu birani u organe i radna tijela Saveza;
3. aktivno učestvuju u utvrđivanju programa i plana rada Saveza i njihovoj realizaciji;
4. ostvaruju uvid u rad Saveza, pokreću akcije, predlažu i preuzimaju mјere za ostvarivanje ciljeva, djelatnosti i programa saveza;
5. ostvaruju zaštitu svojih prava.

Stalni članovi Saveza su obavezni da:

1. poštju odredbe Statuta, ciljeve i djelatnosti i druga opća akta Saveza;
2. međusobno sarađuju radi ostvarivanja ciljeva i djelatnosti utvrđenih statutom, drugim aktima Saveza i odlukama njegovih organa;
3. aktivno učestvuju u osiguranju realizacije usvojenih programa i planova Saveza i drugih obaveza od interesa za karate sport;
4. učestvuju u stručnim aktivnostima Saveza;
5. da redovno i na vrijeme plaćaju članarinu.

Svaki član Saveza može pokrenuti postupak pred nadležnim sudom za utvrđivanje ništavosti općeg akta Saveza koji je donijet suprotno odredbama Statuta ili drugog općeg akta Saveza, a najkasnije u roku šest mjeseci od dana donošenja tog akta u skladu sa Zakonom.

Član 13.

Članstvo u Savezu prestaje:

1. na vlastiti zahtjev, potpisivanjem izjave o istupanju iz Saveza;
2. isključenjem člana, u slučaju djelovanja u suprotnosti sa ciljevima i djelatnostima, Statutom i aktima Saveza;
3. prestankom svojstva pravnog lica Saveza.

Član 14.

Svaki član Saveza može dobrovoljno istupiti iz Saveza na osnovu pisane izjave o istupanju koju dostavlja Upravnom odboru Saveza putem svog entitetskog Saveza.

O uslovima i načinu prestanka članstva odlučuje Skupština Saveza.

Član Saveza mora izmiriti sve finansijske i materijalne obaveze prema Savezu do dana istupanja iz Saveza.

Član 15.

Član Saveza koji grubo krši Statut i druga opća akta Saveza, ne izvršava svoje obaveze prema Savezu, ili svojim postupcima nanosi štetu Savezu, ili narušava njegov ugled može biti isključen iz Saveza.

Odluku o prestanku članstva u Savezu donosi Upravni odbor Saveza.



Član 16.

Član koji je nezadovoljan odlukom iz člana 15. ovog statuta može uložiti žalbu Skupštini Saveza u roku od 15 dana od dana prijema obavijesti.

Odluka Skupštine Saveza po žalbi je konačna.

VII. Organi Saveza, način na koji se biraju, ovlaštenja koja imaju, kvorum i pravila glasanja, trajanje mandata, lice ovlašteno da sazove Skupštinu, uslovi i način raspuštanja, odnosno prestanak rada

Član 17.

Organi Saveza su:

1. Skupština,
2. Predsjedništvo,
3. Upravni odbor,
4. Nadzorni odbor,
5. Generalni sekretar,
6. Sportska arbitraža Saveza,
7. Sportski direktor.

1. Skupština

Član 18.

Skupština Saveza (u dalnjem tekstu: Skupština) je najviši organ Saveza.
Skupštinu čine 63 delegata i to:

1. 42 delegata iz Karate saveza Federacije Bosne i Hercegovine koje delegira Skupština Karate saveza Federacije Bosne i Hercegovine i
2. 21 delegat iz Karate saveza Republike Srpske koje delegira Skupština Karate saveza Republike Srpske.

Delegati se imenuju na period od četiri godine, sa mogućnošću reizbora.
Skupština može biti redovna, vanredna i izborna.

Redovna skupština se saziva najmanje jednom godišnje.

Vanredna skupština se saziva iznimno u slučaju vanrednih potreba.


Izborna skupština se održava svake četiri godine.

Član 19.

Skupština Saveza ima predsjednika i dva (2) potpredsjednika Skupštine.

Predsjednika i potpredsjednike bira i razrješava Skupština na mandatni period od četiri godine sa mogućnošću reizbora.

Predsjednik i potpredsjednici Skupštine ne mogu biti birani iz reda istog konstitutivnog naroda i ne više od dva (2) iz istog člana Saveza.



6

Član 20.

Skupštinu saziva predsjednik Skupštine najkasnije 15 dana prije njenog zasjedanja.

Predsjednik Skupštine je dužan sazvati vanrednu Skupštinu u slučaju kada to zahtijeva 1/3, odnosno 21 delegat Skupštine Saveza, od čega najmanje 14 (četrnaest) delegata iz Karate saveza Federacije Bosne i Hercegovine i 7 (sedam) delegata iz Karate saveza Republike Srpske. Predsjednik Skupštine je dužan sazvati vanrednu skupštinu kada to traži Upravni odbor Saveza i Nadzorni odbor.

Ako predsjednik Skupštine ne sazove Skupštinu u roku od 30 dana u slučajevima iz prethodnog stava, odluku o sazivanju Skupštine donijet će Upravni odbor Saveza.

Član 21.

Skupština radi i odlučuje u skladu sa ovim Statutom i Poslovnikom o radu Skupštine Saveza.

Kvorum za rad Skupštine čine 42 delegata Skupštine, odnosno, dvotrećinska većina, od čega 28 delegata iz Karate saveza Federacije Bosne i Hercegovine i 14 delegata iz Karate saveza Republike Srpske.

Kvorum se utvrđuje prije početka rada Skupštine Saveza.

Skupština donosi odluke natpolovičnom većinom glasova prisutnih delegata Skupštine koja podrazumijeva dvotrećinsku većinu prisutnih delegata iz svakog od članova Saveza ponaosob.

Sljedeće odluke su izuzetak od pravila iz stava 4. ovog člana i bit će donesene ako se za njih izjasni dvije trećine ukupnog broja članova Skupštine, uključujući dvije trećine ukupnog broja članova Skupštine iz oba entitetska saveza ponaosob:

1. svi izbori;
2. promjene sjedišta Saveza;
3. promjena ovog Statuta;
4. isključenje člana Saveza;
5. prestanak rada Saveza

Član 22.

Odluke Skupštine se donose javnim glasanjem, a samo izuzetno tajnim glasanjem.

Skupština radi i odlučuje u skladu sa ovim Statutom i Poslovnikom o radu.

Na početku rada Skupština bira zapisničara koji vodi zapisnik i dva ovjerivača zapisnika.

Zapisničar i ovjerivači zapisnika biraju se iz reda oba osnivača Saveza.

Zapisnik je valjan ukoliko zapisnik ovjere oba ovjerivača zapisnika.

Zapisnik mora da odražava bitan tok rada i suštinu svih odluka, zaključaka i stavova Skupštine Saveza.

Član 23.

Predsjednik Skupštine:

1. stara se o organizovanju Skupštine i saziva njene sjednice;
2. predlaže dnevni red sjednice;
3. predsjedava sjednicama Skupštine;
4. potpisuje akte donesene na Skupštini;
5. stara se o izvršenju odluka, zaključaka i drugih akata Skupštine;

Mujic

7

- 
6. koordinira rad Skupštine;
 7. obavlja i druge poslove koje mu odredi Skupština u skladu sa Zakonom i ovim Statutom.

U slučaju odsutnosti predsjednika Skupštine Saveza sve poslove iz prethodnog stava obavljat će jedan od potpredsjednika Skupštine Saveza i to onaj koji nije iz istog člana Saveza kao predsjednik.

Član 24.

Skupština kao najviši organ ima ovlaštenja da:

1. donosi Statut, izmjene i dopune Statuta Saveza i druge akte određene ovim statutom;
2. donosi program rada Saveza i osnovne smjernice razvoja karate sporta u Bosni i Hercegovini;
3. razmatra i odobrava finansijske planove i izvještaje o finansijskom poslovanju Saveza;
4. razmatra i odobrava izvještaje o radu Saveza;
5. imenuje i razrješava predsjednika i potpredsjednike Skupštine Saveza, Predsjedništvo - predsjednika i dva potpredsjednika i članove Upravnog odbora, Nadzornog odbora Saveza i Sportske arbitraže;
6. imenuje, bira i razrješava lica ovlaštena za zastupanje Saveza;
7. donosi odluke o promjeni naziva, sjedišta i znaka Saveza;
8. donosi odluku o isključenju iz Saveza;
9. donosi odluku o spajanju, podjeli i prestanku rada Saveza;
10. donosi odluke o sistemu takmičenja na nivou Bosne i Hercegovine;
11. donosi odluke o prijemu novih članova u Savez, u skladu sa Zakonom i ovim statutom;
12. donosi poslovnik o radu Skupštine Saveza;
13. obavlja i druge poslove koji nisu u nadležnosti drugih organa Saveza u skladu sa Zakonom, ovim statutom i drugim aktima Saveza.

2. Predsjedništvo

Član 25.

Predsjedništvo je kolegijalni organ Saveza koji ima nadležnosti utvrđene ovim Statutom. Predsjedništvo u svom radu poštuje princip konsenzusa.

Ukoliko Predsjedništvo nema konsenzus sporne prijedloge upućuje na Upravni odbor Saveza.

Predsjedništvo čine tri člana, predsjednik i dva potpredsjednika.

Predsjedništvo će biti birano od tri člana sa po jednim predstavnikom svakog konstitutivnog naroda.

Svaki konsitutivni narod će predlagati svoje kandidate u Predsjedništvo.

Predsjedništvo se bira na način da su dva člana iz reda Karate saveza Federacije Bosne i Hercegovine, a jedan član iz reda Karate saveza Republike Srpske, svi iz različitih konstitutivnih naroda.

Mandat članova predsjedništva traje četiri godine, sa mogućnošću reizbora, a rotiraju se svakih osam mjeseci na mjestu predsjedavajućeg Predsjedništva.

Članovi predsjedništva, predsjednik i potpredsjednici su ujedno predsjednik i potpredsjednici Upravnog odbora, kao i članovi Upravnog odbora sa jednakim pravom glasa.

Član 26.

Predsjednik i dva (2) potpredsjednika Predsjedništva Saveza imaju sljedeća ovlaštenja:

1. zastupaju Savez u pravnom prometu;
2. rukovode radom Saveza i organizuju rad;
3. odgovorni su za zakonitost rada Saveza;
4. pripremaju i predlažu nacrt budžeta za rad Saveza Upravnog odboru i Skupštini;
5. staraju se o pravilnom korištenju imovine Saveza, o urednom obavljanju materijalno-finansijskog poslovanja, zakonitom i pravovremenom obavljanju stručnih i administrativnih poslova;
6. koordiniraju rad organa Saveza i donosi odluke o pitanjima rada Saveza, osim onih koji su u isključivoj nadležnosti Skupštine i Upravnog odbora Saveza;
7. staraju se o promociji karate sporta i podstiču aktivnosti na njegovom razvoju i unapređenju.
8. Staraju se o izvršenju odluka Upravnog odbora i Skupštine Saveza.
9. Podnose izvještaj o radu Upravnog odbora Skupštini Saveza.
10. Obavljaju i druge poslove koje im je povjerila Skupština Saveza.

Član 27.

Predsjedništvo Saveza može biti opozvano prije isteka vremena na koji je izabrano, i to:

1. na sopstveni zahtjev;
2. ako ne obavlja pravilno poslove Predsjedništva Saveza;
3. ako svojim radom nanosi štetu i ruši ugled Saveza;
4. i u drugim slučajevima predviđenim Zakonom, ovim statutom i aktima Saveza.

Član 28.

3. Upravni odbor

Upravni odbor je izvršni organ Saveza.

Upravni odbor ima predsjednika, dva potpredsjednika i deset članova, od kojih su devet iz Karate saveza Federacije Bosne i Hercegovine i četiri iz Karate saveza Republike Srpske. Mandat članova upravnog odbora traje četiri godine sa mogućnošću reizbora.

Predsjednik i potpredsjednik Upravnog odbora Saveza se na funkcijama rotiraju nakon isteka osam mjeseci.

Upravni odbor se sastaje najmanje dva puta godišnje.

Dnevni red predlaže predsjednik Upravnog odbora.

Upravni odbor Saveza može zasjedati i punovažno odlučivati ako je na sjednici prisutna najmanje dvotrećinska većina ukupnog broja članova Upravnog odbora, s tim da sjednici prisustvuje najmanje natpolovična većina članova Upravnog odbora iz oba člana Saveza.

Upravni odbor donosi odluke u načelu konsenzusom.

Ako konsenzus nije moguće postići onda se odluke donose 4/5 većinom glasova od ukupnog broja članova Upravnog odbora u koju mora biti uključena 4/5 glasova iz oba člana Saveza ponaosob.

Predsjednik Upravnog odbora saziva sjednice Upravnog odbora i njime predsjedava.

Osim članova Upravnog odbora sjednicama mogu prisustvovati, predsjednik i potpredsjednici Skupštine Saveza i druge osobe koje su vezane za realizaciju određenih zadataka, ali bez prava odlučivanja.

Predsjednik i potpredsjednici Upravnog odbora su ujedno i predsjednik i potpredsjednici Saveza.

Član 29.

Upravni odbor Saveza obavlja:

1. priprema sjednice Skupštine;
2. priprema i predlaže nacrt promjena Statuta i drugih općih akata koje donosi Skupština Saveza;
3. provodi poslovnu politiku, zaključke i druge odluke koje je donijela Skupština;
4. upravlja imovinom Saveza;
5. podnosi godišnji izvještaj o radu Skupštini Saveza na usvajanje;
6. osigurava provođenje Statuta i drugih općih akata Saveza i odluka Skupštine;
7. utvrđuje prijedloge godišnjih i srednjoročnih programa rada i finansijskih planova;
8. koordinira rad i razvija saradnju sa drugim organizacijama radi uspješnog ostvarivanja rada Saveza;
9. donosi odluke o članstvu u Savezu, suspenzijama i o isključenjima članova iz Saveza u prvom stepenu;
10. prati provođenje finansijskog plana i donosi odluke o upotrebi sredstava;
11. priprema izvještaje, analize, informacije i druge materijale za Skupštinu;
12. donosi Poslovnik o radu Upravnog odbora, radu komisija i drugih tijela;
13. određuje naredbodavca i utvrđuje ovlaštenja za finansijsko posovanje;
14. utvrđuje politiku međunarodne sportske saradnje i program međunarodnih takmičenja;
15. donosi Pravilnik Saveza o disciplinskoj i materijalnoj odgovornosti;
16. odlučuje o organizaciji i načinu obavljanja stručnih i administrativno-tehničkih poslova za potrebe Saveza;
17. osniva stalna i povremena radna tijela – komisije, odbore, imenuje i razrješava dužnosti njihove predsjednike i članove i potvrđuje im programe rada, imenuje i razrješava komesare i povjerenike;
18. razmatra izvještaje o radu stalnih i povremenih radnih tijela;
19. imenuje i razrješava generalnog sekretara, izvršnog sekretara, sportskog direktora, selektore, trenere i drugo stručno osoblje;
20. utvrđuje programe i planove Saveza;
21. donosi pravila i propozicije organizovanja i provođenja prvenstvenih, kup, ligaških i drugih takmičenja Saveza;
22. utvrđuje kalendar i odlučuje o mjestima održavanja državnih karate takmičenja i međunarodnih takmičenja i njihovim organizatorima;
23. daje tumačenja općih akata Saveza;
24. utvrđuje kalendar takmičenja reprezentativnih selekcija Saveza;
25. donosi odluke za službena putovanja u zemlji i inostranstvu za reprezentaciju i vodstvo puta, koje nakon službenog putovanja podnosi izvještaj,
26. donosi normativna akta iz svoje nadležnosti;
27. potvrđuje liste stručnih radnika: sudaca, delegata, ispitiča za zvanja u karateu, trenera, selektora i ljekara koje su predložile nadležne komisije;



28. odlučuje o visini plaćanja kotizacije i članarine;
29. certificira sportske menadžere za karate sport;
30. donosi svoj godišnji plan i program rada na osnovu kalendarja takmičenja i aktivnosti Saveza;
31. obavlja i druge poslove u skladu sa Zakonom i ovim statutom ili ukoliko mu to odredi Skupština Saveza.

Član 30.

Upravni odbor može radi svog operativnijeg i racionalnijeg rada birati svoja radna tijela, stalne i tehničke komisije i to:

1. selektorska komisija;
2. trenerska komisija;
3. sudijska komisija;
4. komisija za zvanja;
5. komisija za sportsku medicinu i antidoping;
6. disciplinska komisija;
7. statutarno-pravna komisija;
8. stručna i edukacijska komisija;
9. komisija za takmičenja, sigurnost i tehnička pitanja.

Upravni odbor može po potrebi osnovati kolegij ad hoc (privremena) radna tijela radi rješavanja posebnih pitanja na određeni period. On određuje i sistem i definira odgovarajuća prava i dužnosti.

Svako stalno ili privremeno radno tijelo sastoji se od minimalno 3 (tri) a maksimalno 5 (pet) članova uključujući predsjedavajućeg.

U zavisnosti od potrebe Upravni odbor može, ukoliko ocijeni da je to efikasnije ili se pokaže neophodnim zbog nemogućnosti formiranja ili zbog blokade rada komisija, odlučiti da za obavljanje poslova komisija imenuje povjerenike-komesare komisija za obavljanje i pomoći u radu Upravnog odbora.

Posebnom odlukom Upravni odbor utvrđuje uslove i mandat članova stručnih komisija.

Komisija razmatra pitanja zbog kojih je formirana i daje prijedloge Upravnom odboru.

Radna tijela i komisije su odgovorne Upravnom odboru Saveza.

Član 31.

Upravni odbor i svaki njegov član pojedinačno su odgovorni za svoj rad Skupštini Saveza.

Sljedeća lica ne mogu biti izabrana u sastav Upravnog odbora Saveza:

1. zaposleni u Savezu za vrijeme trajanja ugovora o radu i dvije godine nakon njegovog prestanka;
2. lica angažovana za izvršenje određenih radnih zadataka za Savez, bilo pojedinačno ili kao aktivni partneri, ili članovi odbora privrednih društava, za vrijeme trajanja ugovora o radu i dvije godine nakon njegovog prestanka, odnosno ispunjenja ili okončanja posla;
3. proizvođači i prodavci sportskih artikala, njihovi dioničari, njihovi partneri i rukovodioci, kao i članovi odbora sportskih privrednih društava, te član ili dioničar bilo

Skupština Saveza

kojeg privrednog društva koji se bavi proizvodnjom ili prodajom sportskih artikala, odnosno koji pruža usluge vezane za sport.

U slučaju kršenja ograničenja navedenih u stavu 1. ovog člana Skupština Saveza, na prijedlog Upravnog odbora Saveza će takvo lice razriješiti članstva u Upravnom odboru Saveza.

Član 32.

Članovi Upravnog odbora mogu biti opozvani i prije isteka mandata na koji su izabrani, i to:

1. na sopstveni zahtjev;
2. ako ne prisustvuju sjednicama tri puta uzastopno, bez opravdanih razloga;
3. ako svojim radnjama u vezi sa radom Upravnog odbora ruše ugled Saveza;
4. u drugim slučajevima predviđenim Zakonom, ovim statutom i aktima Saveza.

O opozivu člana Upravnog odbora odlučuje Skupština natpolovičnom većinom glasova prisutnih delegata skupštine koja podrazumijeva dvotrećinsku većinu prisutnih delegata iz svakog člana Saveza ponaosob.

Član 33.

Predsjednik Upravnog odbora:

1. saziva sjednice Upravnog odbora po sopstvenoj ocjeni, na zahtjev najmanje 1/3 (jedne trećine) članova Upravnog odbora, jednog člana Saveza ili na zahtjev Nadzornog odbora Saveza;
2. stara se o provođenju programa rada, odluka, zaključaka i smjernica Skupštine;
3. stara se o provođenju plana rada Upravnog odbora;
4. sačinjava godišnji izvještaj o svom radu i podnosi ga Upravnom odboru na razmatranje i usvajanje;
5. potpisuje akte koje donosi Upravni odbor;
6. održava stalne kontakte sa javnošću i promoviše ciljeve saveza;
7. obavlja i druge poslove koje mu odredi Skupština i Upravni odbor Saveza.

4. Nadzorni odbor Saveza

Član 34.

Nadzorni odbor Saveza kontroliše finansijsko poslovanje Saveza i o uočenim nepravilnostima bez odlaganja izvještava Skupštinu i Upravni odbor.

Nadzorni odbor dužan je upozoriti na nepravilan rad organa Saveza, na propuste u primjeni odredaba Statuta, te na nezakonito i nenamjensko trošenje sredstava Saveza.

Nadzorni odbor dužan je prema potrebi, a najmanje jednom godišnje, pregledati finansijsko – materijalno poslovanje Saveza.

O svom radu Nadzorni odbor izvještava Upravni odbor i Skupštinu Saveza.

Svi organi Saveza dužni su Nadzornom odboru dostaviti tražene podatke, omogućiti uvid u dokumentaciju i druge podatke koje zatraži, te ga izvjestiti o tome što su učinili u vezi sa njegovim nalazima i prijedlozima.

Mijo

12

Član 35.

Skupština Saveza bira Nadzorni odbor na prijedlog članova Saveza.

Nadzorni odbor čine predsjednik, potpredsjednik i tri člana, i to na način da Karate savez Federacije Bosne i Hercegovine predlaže tri člana, a Karate savez Republike Srpske dva člana.

Funkcije predsjednika i potpredsjednika ne mogu biti popunjene iz istog člana Saveza.

Predsjednik, potpredsjednik i članovi Nadzornog odbora ne mogu biti članovi organa i radnih tijela Saveza, niti mogu vršiti bilo koju drugu funkciju u Savezu.

Mandat članova Nadzornog odbora traje četiri godine, uz mogućnost produženja mandata.

Mandat predsjednika i potpredsjednika Nadzornog odbora se rotira nakon isteka dvije godine, nakon čega se navedena funkcija popunjava naizmjenično po članovima Saveza.

Nadzorni odbor može punovažno odlučivati ako je sjednici prisutna dvotrećinska većina ukupnog broja Nadzornog odbora.

Stavove, mišljenja i prijedloge Nadzorni odbor utvrđuje konsenzusom, a ako to nije moguće onda natpolovičnom većinom glasova prisutnih članova Nadzornog odbora, koji mora uključivati i najmanje po jednog člana iz članova Saveza.

O svojim zaključcima, stavovim i mišljenjima Nadzorni odbor izvještava Skupštinu saveza.

Nadzorni odbor može, u okviru svoje nadležnosti, pokrenuti postupak kod Disciplinske komisije.

Sjednice Nadzornog odbora saziva predsjednik Nadzornog odbora sam ili na zahtjev predsjednika Upravnog odbora Saveza ili pojedinog člana Nadzornog odbora.

Nadzorni odbor donosi svoj pravilnik o radu.

5. Generalni sekretar

Član 36.

Savez ima Generalnog sekretara kojeg imenuje i razrješava Upravni odbor na mandatni period od četiri godine, sa mogućnošću reizbora.

Član 37.

Generalni sekretar obavlja slijedeće poslove i zadatke:

1. organizuje sekretarijat Saveza i rukovodi njegovim radom;
2. priprema, odnosno organizuje pripremu normativnih akata ili drugih materijala koji se razmatraju na sjednici Skupštine, njenim radnim tijelima, sjednicama Upravnog odbora, i drugih organa i radnih tijela Saveza;
3. provodi i prati provođenje akata i odluka Saveza;
4. administrativno koordinira radom svih organa i tijela u Savezu;
5. izvršava odluke Saveza;
6. vodi poslove evidencije članstva Saveza;
7. obavezan je da prisustvuje sjednicama Skupštine i Upravnog odbora Saveza, bez prava glasa;
8. obavlja i druge poslove po ovlaštenju Skupštine i Upravnog odbora Saveza u skladu sa ovim statutom.

Savjetnik

6. Sportska arbitraža Saveza

Član 38.

Sportsku arbitražu bira Skupština Saveza na prijedlog članova Saveza.

Sportska arbitraža ima predsjednika, potpredsjednika i tri člana i to na način da Karate savez Federacije Bosne i Hercegovine predlaže tri člana, a Karate savez Republike Srpske dva člana Sportske arbitraže.

Funkcije predsjednika i potpredsjednika ne mogu biti popunjene iz istog člana Saveza.

Predsjednik, potpredsjednik i članovi Sportske arbitraže ne mogu biti članovi organa i radnih tijela Saveza, niti mogu vršiti bilo koju koju drugu funkciju u Savezu.

Sportska arbitraža je nezavisna u svom radu.

Sportska arbitraža, kao drugostepeni organ, rješava sve sportske sporove po žalbama na odluke Upravnog odbora Saveza.

Sportska arbitraža odlučuje o sporovima iz prethodnog stava ovog člana u skladu sa općim aktima Saveza.

Mandat članova Sportske arbitraže traje četiri godine sa mogućnošću produženja mandata.

Predsjednik i potpredsjednik Sportske arbitraže se na navedenim funkcijama rotiraju nakon isteka dvije godine, nakon čega se navedena funkcija popunjava naizmjenično po članovima Saveza.

Članovi Saveza saglasni su, na osnovu Sporazuma o udruživanju u Savez, prihvatanjem ovog statuta, da sve sporove u vezi sa kršenjem sportskih pravila i odredaba Statuta Saveza rješava Sportska arbitraža.

Sportska arbitraža može punovažno odlučivati ako su na sjednici prisutni svi članoci Sportske arbitraže.

Sportska arbitraža svoje odluke donosi jednoglasno konsenzusom.

Odluke Sportske arbitraže su konačne, osim u slučajevima kada nisu u skladu sa općim aktima Saveza.

Članovi Saveza, sportisti, stručni i sportski radnici, službena lica, te članovi organa Saveza, saglasni su, prihvatanjem ovog statuta, da ne mogu sportske sporove, za koje je nadležna Sportska arbitraža, rješavati pred nadležnim sudovima, prije nego što nastali spor pokušaju riješiti pred Sportskom arbitražom.

Sportska arbitraža donosi svoj Poslovnik o radu.

Poslovnikom se posebno uređuje vlastita organizacija, pripremanje i sazivanje sjednica, način rada na sjednicama, način glasanja i odlučivanja, način donošenja i izvršavanja odluka, kao i druga pitanja značajna za efikasan i racionalan rad.

Član 39.

Sportska arbitraža Saveza je stalni arbitražni organ Saveza, osnovan radi nezavisnog, nepristrasnog, samostalnog i hitnog arbitražnog rješavanja sporova u karate sportu.

Član 40.

Sportska arbitraža odlučuje o svim sporovima u karate sportu, koji nisu u isključivoj nadležnosti redovnog suda ili nadležnosti Stalne sportske arbitraže pri Olimpijskom komitetu Bosne i Hercegovine.

Spačević
Arbitražni troškovi i postupak arbitraže bliže se uređuju Pravilnikom o radu Sportske arbitraže koji donosi Upravni odbor Saveza.

Za arbitra može biti imenovano lice koje ispunjava slijedeće uvjete:

1. da je diplomirani pravnik,
2. da nije krivično kažnjavan.

Za arbitra ne može biti imenovano lice koje je član nekog organa Saveza, kao ni lice u vezi sa kojim postoje drugi razlozi koji dovode u pitanje njegovu nepristrasnost.

Arbitar mora biti nepristrasan i nezavisan u odnosu na stranke i predmet spora.

7. Sportski direktor

Član 41.

Sportski direktor organizuje, koordinira, prati i vrši nadzor nad stručnim radom i stručnim školovanjem i usavršavanjem u Savezu a naročito:

1. organizuje i prati provođenje takmičenja iz takmičarskog kalendarja koji je usvojio Upravni odbor Saveza;
2. koordinira radom stručnih komisija Saveza i prati realizaciju njihovih planova i programa;
3. prati realizaciju plana i programa rada kandidata za međunarodna takmičenja;
4. osigurava uvjete za nesmetano provođenje programa selektora;
5. prati organizaciju kampa za mlade perspektivne sportiste;
6. stara se o izradi planova i njihovoj realizaciji u procesu organizovanja stručnog usavršavanja karate stručnjaka u okviru Saveza;
7. Sportski direktor je predsjednik Konkursne komisije za izbor selektora;
8. Nakon provedene konkursne procedure i utvrđene liste kandidata, Sportski direktor predlaže u pisanoj formi Upravnem odboru Saveza selektore za uzrasne kategorije i discipline.
9. obavlja poslove koje mu u nadležnost prenese Upravni odbor;
10. obavlja i druge poslove u skladu sa Statutom i drugim općim aktima Saveza;
11. Sportski direktor je odgovoran za svoj rad Upravnem odboru.

VIII Pravila za ostvarivanje, upotrebu i raspolaganje sredstvima Saveza, organ koji je ovlašten za nadzor nad upotrebom tih sredstava

Član 42.

Prihodi Saveza su slijedeći:

1. članarina od entitetskih saveza;
2. dobrovoljni prilozi i pokloni fizičkih i pravnih lica, kako inostranih tako i domaćih, u gotovini, uslugama ili imovini bilo koje vrste;
3. državne subvencije i ugovori sa fizičkim i pravnim licima, kako domaćim tako i inostranim;
4. prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
5. prihodi stečeni kroz ostvarivanje ciljeva i djelatnosti Saveza u skladu sa Zakonom i ovim Statutom;

Ulojinić

- 
6. sredstva dobivena iz općinskih, kantonalnih, entitetskih i državnih izvora;
 7. drugi izvori u skladu sa Zakonom.

Član 43.

Savez je dužan voditi evidenciju o imovini u skladu sa važećim propisima.

Savez je dužan da propisno vodi poslovne knjige u skladu sa općeprihvaćenim računovodstvenim standardima i principima i da sastavlja finansijske izvještaje u skladu sa Zakonom.

Član 44.

Sredstva Saveza mogu se koristiti isključivo za ostvarivanje ciljeva i djelatnosti predviđenih Statutom.

Član 45.

Ostvarivanje, korištenje i raspolažanje sredstvima Saveza utvrđuje se finansijskim planom, kojeg donosi Skupština, na prijedlog Upravnog odbora Saveza.

O upotrebi (korištenju) sredstava, u skladu sa finansijskim planom, odlučuje Upravni odbor.

Član 46.

Nadzor nad upotrebom imovine i sredstava Saveza vrši Skupština i Nadzorni odbor Saveza.

Član 47.

Upravni odbor je dužan, najmanje jednom godišnje, podnijeti Skupštini izvještaj o podacima o imovini Saveza, prihodima, rashodima i drugim pitanjima od značaja za raspolažanje imovinom i za finansijsko poslovanje Saveza.

Član 48.

Imovinu Saveza čine novčana sredstva, stvari i prava koje Savez stiče u skladu sa Zakonom i ovim statutom.

Za obaveze prema trećim licima Savez odgovara cjelokupnom imovinom.

Član 49.

Za obavljanje svih stručnih, administrativnih, knjigovodstvenih i drugih poslova, Upravni odbor nalazi mogućnosti i rješenja koja su u skladu sa Zakonom i principima racionalnog poslovanja.

Radi izvršenja određenih poslova Upravni odbor može angažovati odgovarajuća stručna lica, uz naknadu, a u skladu sa zakonom i mogućnostima Saveza.

Pravni akt

IX Priznanja i nagrade

Član 50.

Savez može donositi odluke o dodjeli priznanja i nagrada Saveza.
Priznanja i nagrade dodjeljuje Skupština Saveza, na prijedlog Upravnog odbora.

X Informisanje i javnost rada Saveza

Član 51.

Rad Saveza je javan.

Javnost rada Saveza ostvaruje se održavanjem sjednica koje su otvorene za javnost.

Organi Saveza su dužni da članovima Saveza, ovlaštenim predstavnicima sredstava informisanja svim zainteresovanim učine dostupnim podatke, informacije i isprave koje se odnose na rad Saveza.

Predstavnici sredstava informisanja imaju pravo da prisustvuju sjednicama Skupštine i da izvještavaju o radu tog organa.

Član 52.

Članovi Saveza imaju pravo da budu redovno informisani o radu svih organa Saveza. Za informisanje članova Saveza zadužen je predsjednik Saveza.

Član 53.

Izuzetno, općim aktom koji donosi Upravni odbor može se utvrditi da pojedine informacije, podaci i isprave, predstavljaju poslovnu tajnu. Istim aktom mogu se utvrditi odgovorna lica za korištenje i zaštitu informacija koje imaju karakter poslovne tajne.

Za poslovnu tajnu ne mogu se odrediti podaci koji su javni po zakonu i drugim propisima, kao i podaci o kršenju zakona i drugih propisa.

XI Zastupanje Saveza

Član 54.

Savez u pravnom prometu zastupaju predsjednik i dva (2) potpredsjednika Saveza.

U postupcima u kojima Savez učestvuje kao stranka radi ostvarivanja svojih prava, dužnosti i odgovornosti pred nadležnim organima, predsjednik i dva (2) potpredsjednika Saveza mogu dati pisano punomoć advokatu za zastupanje ili drugoj stručnoj osobi.

XII Trajanje i prestanak rada Saveza

Član 55.

Savez će trajati sve dok za to budu postojali zakonski uslovi ili dok Skupština Saveza ne doneće odluku o prestanku rada Saveza.

Mojim

AS

Član 56.

Savez može prestati sa radom dobrovoljno ili po sili zakona.

Inicijativu za prestanak rada Saveza može dati dvije trećine članova Skupštine ili Upravni odbor, u slučaju:

1. ako je proteklo dvostruko više vremena od vremena utvrđenog Statutom Saveza za održavanje Skupštine, a skupština nije održana,
2. u drugim slučajevima utvrđenim Zakonom i ovim statutom.

Inicijativa se podnosi predsjedniku Saveza koji priprema materijal za Skupštinu.

Odluka Skupštine o dobrovoljnem prestanku rada Saveza donosi se najmanje dvotrećinskom većinom glasova ukupnog broja delegata u Skupštini, koja uključuje najmanje dvotrećinsku većinu od ukupnog broja delegata iz svakog od članova Saveza ponaosob.

Član 57.

Savez prestaje sa radom po sili zakona, u skladu sa odredbama čl. 51. i 52. Zakona.

Savez je obavezan svaku promjenu podataka upisanih u Registar prijaviti nadležnom Ministarstvu u roku 30 dana od dana nastalih promjena.

XIII. Spajanje i podjela Saveza

Član 58.

Savez se može spojiti ili podjeliti u drugo udruženje u skladu sa Zakonom.

Odluku iz prethodnog stava donosi Skupština dvotrećinskom većinom ukupnog broja članova Skupštine Saveza, uključujući dvije trećine ukupnog broja članova skupštine iz oba entitetska saveza ponaosob.

XIV. Pravila za raspodjelu preostale imovine u slučaju prestanka rada Saveza

Član 59.

Istovremeno sa odlukom o prestanku rada Saveza Skupština donosi plan likvidacije Saveza, kojim se utvrđuje raspored imovine, prava i obaveze Saveza.

Skupština imenuje likvidatora Saveza čija dužnost je da se stara o sastavljanju plana likvidacije imovine Saveza, koji podnosi Skupštini na usvajanje.

Imovina kod raspuštanja Saveza, nakon izmirenja svih zakonskih obaveza, dodjelit će se nekom drugom udruženju koje obavlja iste ili slične djelatnosti, a na osnovu odluke Skupštine.

XV. Postupak za donošenje Statuta, izmjena i dopuna Statuta i drugih općih akata Saveza

Član 60.

Osnovni opći akt Saveza je Statut Saveza.

Savez može donositi i druge opće akte: pravilnike, odluke i poslovnike.

Opći akti moraju biti saglasni Zakonu i Statutu Saveza.

Pojedinačni akti su odluke, rješenja, zaključci, uputstva i mišljenja.

Mijatović

18


Član 61.

Na sastancima organa upravljanja i njegovim komisijama – odborima obavezno se sačinjavaju zapisnici.

Zapisnici moraju biti istiniti i moraju odražavati tok rada sastanka i sadržavati odluke koje su donjeli organi upravljanja na svojim sjednicama.

Zapisnici moraju biti potpisani.

Inicijativu za izmjene i dopune Statuta može podnijeti svaka članica – osnivač Saveza.

Inicijativa se podnosi Upravnom odboru, pisanim putem i sa odgovarajućim obrazloženjem. Utvrđeni prijedlog dostavlja se Skupštini najmanje 30 dana prije dana održavanja sjednice Skupštine.

Član 62.

O izmjenama i dopunama Statuta odlučuje Skupština 2/3 (dvotrećinskom) većinom od ukupnog broja delegata Skupštine, koja uključuje najmanje 2/3 (dvotrećinsku) većinu od ukupnog broja delegata iz svakog od članova Saveza ponaosob.

XVI. Reprezentacija

Član 63.

Za nastupanje na međunarodnim takmičenjima formiraju se državne reprezentacije – selekcije u skladu sa međunarodnim sistemom i programom takmičenja Svjetske karate federacije (WKF).

Pod nastupom za državnu reprezentaciju – selekciju Bosne i Hercegovine podrazumijevaju se svi nastupi na međunarodnim susretima reprezentacija, kao i nastupi na regionalnim takmičenjima, Balkanskim prvenstvima, Mediteranskim prvenstvima, Evropskim prvenstvima, Evropskim igratim, Univerzitetskim prvenstvima i igratim, Mediteranskim igratim, Svjetskim prvenstvima i igratim, kao i Olimpijskim igratim.

Reprezentativac – član selekcije je dužan da ispunjava sve obaveze iz programa nastupa reprezentacije – selekcije za koju je izabran, u protivnom podliježe disciplinskoj odgovornosti u skladu sa odgovarajućim aktima Saveza.

Opremu, oznake i simbole državnih reprezentacija Bosne i Hercegovine izabrani sportisti nose samo na nastupima za reprezentaciju – selekciju Bosne i Hercegovine.

Član 64.

Selektore reprezentacija bira i razrješava Upravni odbor, a na prijedlog Sportskog direktora. Mandat selektora traje četiri godine, uz mogućnost reizbora.

Djelokrug rada selektora bliže se određuje Pravilnikom o radu selekcije.

Selektor predlaže program rada selekcije u toku jedne godine i olimpijskog ciklusa i podnosi ga Upravnom odboru na razmatranje i usvajanje.

Selektori su za svoj rad odgovorni Upravnom odboru Saveza.

XIX. Evidencija i arhiva Saveza

Član 65.

Upravni odbor obavezan je donijeti Pravilnik o evidenciji i arhivi Saveza.

Član 66.

Evidencija Saveza sadrži matičnu knjigu u koju se unose podaci o:

1. spisku članova Saveza;
2. aktivnim članovima – sportistima u pojedinim selekcijama;
3. stručnim kadrovima;
4. donatorima i sponzorima;
5. profesionalno zaposlenim licima u Savezu;
6. članovima organa Saveza;
7. ostvarenim rezultatima na takmičenjima;
8. i druge podatke.

Član 67.

Evidencija Saveza se vodi na propisanom obrascu koje donosi nadležna komisija koju imenuje Upravni odbor Saveza.

Članovi Saveza su obavezni da vode evidenciju o podacima koje zahtjeva Savez i da ih na njegov zahtjev dostavljaju.

XX. Prijelazne i završne odredbe

Član 68.

Skupština Saveza nadležna je za tumačenje odredbi ovog Statuta.

Član 69.

Stupanjem na snagu ovog Statuta prestaje da važi Statut Karate saveza Bosne i Hercegovine broj S-2-2/14 od 25.10.2014. godine,

Broj: S-3-17/17

Tuzla, 02.12.2017. godine,

